

II - ARABAKO LURRALDE HISTORIKOAREN TOKI ADMINISTRAZIOA

AGURAINGO UDALA

Euskara ikasteko diru-laguntza deialdia 2019-2020

Alkatetzaren 2020ko abuztuaren 25eko dekretuaren bidez, 2019-2020 ikasturtean euskara ikasteko diru-laguntza deialdiaren oinarriak onartu dira. Hona hemen deialdiaren edukia:

2019-2020 ikasturtean euskara ikasteko diru-laguntza deialdiaren oinarriak

Deialdi honek diru-laguntzak lehiaketa bidez ematea du helburu, udalerrian euskararen sustapenean laguntzeko xedez, hain zuzen ere, baldin eta honako eraren batean egiten badira:

1) Euskara ikasteko bekak (2019ko urriaren 1aren eta 2020ko irailaren 30era artean egindako ikastaroak).

2) Deialdi hau ondokoek arautuko dute: oinarri hauek, Diru-laguntzen 38/2003 Lege Orokorrak, azaroaren 17koak, 887/2006 Errege Dekretuak, uztailaren 21ekoak, eta Aguraingo Udalaren Diru-laguntzen Plan Estrategikoak.

Oinarri hauek arautzen dituzten diru-laguntzen kudeaketa ondoko oinarrien arabera egingo da: publizitatea, gardentasuna, norgehiagoka, objektibitatea, berdintasuna eta bereizkeriarik eza, bai eta zehaztutako helburuak betetzean eraginkortasuna eta baliabide publikoen esleipen eta erabileran efizientzia ere.

1. artikulua. Deialdiaren xedea

Oinarri hauek arautzen dituzten diru-laguntzen xedea euskara ikasteko bekak ematea da

2. artikulua. Pertsona onuradunak

1. Ondokoak izango dira diru-laguntzen onuradun: udalerrian erroldatutako pertsona fisikoak.

2. Onuradunen betekizunak:

– Aguraingo udalerrian erroldatuta egotea ikasturtea hasten denean eta amaitzen den arte hala mantentzea.

– 16 urte eduki behar dituzte inskripzio egunean.

– Prestakuntza ikastaroak 2019ko urriaren 1aren eta 2020ko irailaren 30aren artean egitea.

– Ikastaroan eman diren orduen, gutxienez, ehuneko 80 jaso direla bermatzea edo ikastaro hori izena emandako ikastetxean, eta hantxe baino ez, gainditu dela egiaztatzea.

– Helduen Alfabetatze eta Berreuskalduntzerako Erakundeak (HABE) onartutako euskaltegiren edo ikastaroren batean edo Udako Euskal Unibertsitatearen (UEU) ikastaroren batean matrikulatuta izatea.

– Barnetegiren baten ikasiz gero, aurreko betekizuna betetzea. Dena den, prestakuntzaren kostuak baino ez dira diruz lagunduko. Ostaturia eta mantenua ikasleak ordainduko ditu.

– Hautatutako ikastaroa helduen euskalduntze edo alfabetatzeko curriculumaren proiektu oso baten parekoa izango da gutxienez.

– Euskara ikasteko bestelako diru-laguntzak eskatzeko aukera izanez gero, horren inguruko ebazpena eta eskara egin izanaren izapidea aurkeztu beharko da.

3. Honako hauek ez dira onuradun izango:

Azaroaren 17ko 38/2003 Lege Orokorraren, Diru-laguntzei buruzkoaren, 13.2 eta 13.3 artikuluetan adierazitako inguruabarretako batean daudenak.

3. artikulua. Aurrekontuko zuzkidura

Honakoa da 2020. urterako aurrekontu zuzkidura:

Euskara beketarako diru-laguntzak: 10.000 euro, 335.480.001 partidari dagozkionak.

Diru-laguntzek borondatezko izaera izango dute eta ezin izango da argudiatu alde aurretik jaso izana.

Udalaren diru-laguntzak bateragarriak dira eskatzaileek eskura ditzaketan beste batzuekin. Dena dela, udalaren diru-laguntzaren zenbatekoak, beste erakunde batzuen beste laguntza batzuekin batera zein bakarrik, ezin izango du egindako jardueraren defizit kostua gainditu.

4. artikulua. Zenbatekoa

a) 2019-20 ikasturtean langabezian egonez gero, eskatzailek matrikula osoa jasoko du, gehienez 500 euro eskatzaile bakoitzeko eta ikasturteko.

b) Langabezian ez dauden eskatzaileek matrikularen ehuneko 50 jasoko dute, gehienez 400 euro eskatzaile bakoitzeko eta ikasturteko.

c) Kirol klubetako entrenatzaile eta zuzendaritzako kideek, Agurainen erroldaturik egonez gero, matrikula osoa jasoko dute, gehienez 500 euro eskatzaile bakoitzeko eta ikasturteko.

d) Eskatzaileek ikasturtearen iraupenaren ehuneko 40 baino gehiago lan eginez gero, laguntza ehuneko 50ekoa izango da, gehienez 400 euro eskatzaile bakoitzeko eta ikasturteko. Ehuneko 40 baino gutxiago lan eginez gero, langabetu moduan hartuko da, eta gehienez 500 euro eskatzaile bakoitzeko eta ikasturteko jasoko dute.

e) Langile bat lanaldi partzialeko kontratua edukiz gero eta lanaldia ehuneko 40koa (40 ordu astean) baino txikiagoa bada langabetu bezala hartuko da eta matrikula osoa jasoko du, gehienez 500 euro eskatzaile bakoitzeko eta ikasturteko. Lanaldia ehuneko 40koa baino handiagoa bada matrikularen ehuneko 50 jasoko du, gehienez 400 euro eskatzaile bakoitzeko eta ikasturteko.

f) Eskatzailea ikasketa ofizialak egiten badago 2019-2020 ikasturte osoan eta 26 urte edo gutxiago baditu, laguntzaren zenbatekoa matrikularen ehuneko 80 izango da (gehienez 400 euro eskatzaileko eta urteko).

Baldin eta eskaera kopurua eta jasoko diren diru kopuruak direla eta dirulaguntzen gehieneko zenbatekoak txikitu behar badira aurrekontuan ezarritako partidara doitzeko, txikipena proportzioan ezarriko da eskatzaile guztien artean, ikasturtean zehar langabezi egoeran egon direnen artean izan ezik.

5. artikulua. Aurkeztu beharreko dokumentazioa

Euskara ikasteko bekak:

Agiri orokorrak:

– Eskaera-orria

– Eskatzailearen NANen fotokopia.

– Prestakuntza zentroak emandako matrikularen frogagiria. Horrez gain, ondokoak ziurtatuko ditu: ikasturtea gainditu izana, asistentzia, ikasturtearen hasiera eta amaiera datak eta ikasturtearen kostua.

– Matrikula eta kuotak ordaindu izanaren frogagiria.

– Zinpeko aitopena: xede bererako beste administrazio edo erakunde edo entitate publikoren baten beste diru-laguntzarik edo laguntzarik jaso den ala ez. Diru laguntzaren bat lortuz gero, jasotako zenbatekoa adierazi beharko da, baita administrazio emailea ere; halaber, datuak benetakoak diren egiaztatzekeo agiria aurkeztu beharko da

– Aguraingo Udalarekin zerga betebeharrak egunean direla egiaztatzen duen agiria. Udalak emango du.

– Diruz lagundua den bitartean eskatzailea udalerrian erroldatuta dagoela egiaztatzen duen agiria. Udalak emango du.

– Barnetegietakoak: xehatu egingo dira gastuak, irakaskuntzakoak alde batetik eta mantenukoak eta ostatukoak bestetik.

– Langabezian dauden pertsonen diru-laguntzapeko aldi osoan egiaztatu beharko dute egoera hori.

– 26 urtetik azpiko ikasleek: ikasle egoera egiaztatzen duten ikasketa ofizialen matrikularen fotokopia.

– Kirol klubetako entrenatzaile eta zuzendaritzako kideek, hori egiaztatzen duen klubaren egiaztagiria

6. artikulua. Eskaerak aurkezteko epea

Eskaerak udalean aurkeztu beharko dira eskaera-inprimakiarekin eta eskatutako dokumentazioarekin batera.

Eskaerak xedatutako guztiak betetzen ez baditu, interesdunei betetzen ez dituztenak betetzeko 10 eguneko epea emango zaie, urriaren 1eko 39/2015 Legearen 68 artikuluekin bat eginez, Administrazio Prozedura Erkideari buruzkoa.

Eskaerak 2020ko urriaren 30a bitartean aurkeztu ahal izango dira.

7. artikulua. Emateko eta ebazteko prozedura

Arlo bakoitzeko zinegotzi ordezkaria izango da organo izapidegilearen lehendakari eta Aguraingo euskara arloan lan egiten duen teknikaria organo horretako kide. Teknikari horrek ofizioz egingo ditu ebazpen proposamena zehazteko, ezagutzeko eta egiaztatzekeo beharrezko jotzen dituzten jarduera guztiak.

Eskaerak aztertuta, behin-behineko ebazpen proposamena egingo da. Ebazpen proposamen hori dagokion irizpen batzordean aztertuko da, irizpena eman dezan, eta, ondoren, interesdunei jakinaraziko zaie. Azken horiek hamar egun baliodun izango dituzte egoki irizten dutena alegatzeko.

Alegatutakoak ebatzitzekoan, organo izapidegileak behin betiko ebazpen proposamena egingo du, osoko bilkurarako gaiak aztertzen dituen batzordeari bidaliko dio eta hark aldeko irizpena eman ondoren, gobernu batzarrak dirulaguntzak ematea ebatziko du eta interesdunei behin betiko ebazpena jakinaraziko.

Ebazpenak administrazio bidea agortzen du, bai eta jakinarazi haren aurka jarri daitezkeen errekurtsioak ere. Ebazpena urriaren 1eko 39/2015 Legearen 40 artikuluekin bat eginez jakinaraziko da, Herri Administrazioen Administrazio Prozedura Erkidearenarena.

Eskaera ebazteko hiru hilabete izango dira, eskaerak aurkezteko azken egunetik aurrera -6. artikuluan xedatzen da egun hori-. Epe hori igaro eta ebazpen adierazirik eman ez bada, eskaera ez dela onartu esan nahiko du.

Emandako diru-laguntzak udalaren iragarki taulan eta web orrian argitaratuko dira, pertsona orok jakin dezan, Diru-laguntzen azaroaren 17ko 38/2003 Lege Orokorrek xedatutakoarekin bat etorritik.

8. artikulua. Onuradunen betebeharrak

- Diru laguntza ematen duen organoaren aurrean baldintzak betetzen direla justifikatzea, baita diru laguntza emateko oinarrian izan den jarduera egin dela edo helburua bete dela ere.
- Dirulaguntza ematen duen organoak egiten dituen egiaztapen jarduketa guztiak onartzea, bai eta kontrol organo eskudunek, estatukoek zein erkidegokoek, finantzak kontrolatzeko eta egiaztatzeko egiten dituztenak ere. Horrelakoetan, eskatzen zaien informazio eta agiri guztiak eman beharko dituzte, Herri Kontuen Euskal Epaitegiak eska ditzakeenak barne.
- Diruz lagundutako jarduerak finantzatzeko beste diru laguntzak, laguntzak, sarrerak edo baliabideak lortu izanaren berri ematea organo emaileari.
- Zerga betebeharrak eta Gizarte Segurantzza ordaindu direla egiaztatzea.
- Jasotako laguntzak erabili direla egiaztatzen dituzten agiriak izatea, agiri elektronikoak barne, zeren eta egiaztatuak eta kontrolatuak nahi izan baitaitezke.
- Diru-laguntza ordaintzeko, ezinbestekoa izango da Aguraingo Udalarekin izan daitekeen itzulketa edo zehazpen prozesu oro bukatuta izatea

9. artikulua. Diru-laguntzak ordaintzea

Behin betiko ebazpen proposamena jakinarazten zaienetik aurrera hogeita hamar egun igaro baino lehen ordainduko zaie interesdunei diru-laguntza, bestelako diru-laguntzak eskatu dituzten eskatzaileei izan ezik, hauei eskatutako diru-laguntza guztiak ebatzi ondoren, kitapena egin eta dagokien kopurua ordainduko zaie..

Onuradunek oinarri hauetan jasotako betebeharrak eta zehaztapenak ez betetzeak diru-laguntza baliogabetzea ekar dezake. Horrelakoetan, emandako diru-laguntza itzultzeko prozedurari ekingo zaio, Aguraingo Udalaren Diru-laguntza Ordenantzan xedatutakoaren arabera.

10. artikulua. Araudi aplikagarria

Oinarri hauetan xedatu ez denerako, ondokoak hartuko dira kontuan: Herri Administrazioen Prozedura Erkidearen Legea (urriaren 1eko 38/2015 Legeak emandako idazketa), 38/2003 Lege Orokorra, azaroaren 17koa, Diru-laguntzei buruzkoa, 887/2006 Errege Dekretua, uztailaren 21ekoa, zeinen bidez, 38/2013 Lege Arautegia onartzen den, azaroaren 17koa eta Diru-laguntza Orokorrena eta Diru-laguntzen Udal Ordenantza eta aplikatzekoak diren gainerako arauak.

Deialdi honen aurka administrazioarekiko auzi errekurtsua aurkeztu ahal izango da, zuzenean, Gasteizko Epaitegietan, eta horretarako, bi hilabete izango dira, argitaratu eta hurrengo egunetik aurrera, edo, bestela, aukeran, berraztertze errekurtsua aurkez daiteke, erabakia hartu duen organoari berari zuzendua, eta horretarako, hilabete izango da, ALHAOn argitaratu eta hurrengo egunaren biharamunetik aurrera.

11. artikulua. Datu pertsonalen babesa

Deialdi hau izapidetzeko bildutako datu pertsonalak Aguraingo Udalaren diru-laguntzen fitxategian jasoko dira, abenduaren 13ko 15/1999 Lege Organikoaren, Datu pertsonalen babes erakoaren, eta otsailaren 25eko 2/2004 Legearen, Erakunde Publikoen Jabetzako Datu Pertsonalen Fitxategiei eta Datuak Babesteko Euskal Agentzia sortzeari buruzkoaren, arabera. Fitxategi hori Aguraingo Udalaren datu pertsonalen fitxategien sortze eta aldatze arauan jasotzen da.

Datuak eskuratzeko, zuzentzeko, ezeztatzeko eta aurkatzeko eskubideak erabiltzeko Aguraingo Udalera jo behar da.

Era berean, deialdi honetan parte hartzen duten pertsonak baimena ematen diote Aguraingo Udalari aurkeztutako agiritan emandako datuak egia direla egiaztatzeko, beste erakunde publiko batzuek dituztenekin erkatuz.

Agurain, 2020ko abuztuaren 25a

Alkatea

ERNESTO SAINZ LANCHARES